

**ლანჩხუთის მუნიციპალიტეტის საკრებულოს წევრის კახა ბოლქვაძის მიერ 2018 წელს
გაწეული საქმიანობის შესახებ ანგარიში**

საქართველოს ორგანული კანონის „ადგილობრივი თვითმმართველობის კოდექსისა“ და ლანჩხუთის მუნიციპალიტეტის საკრებულოს რეგლამენტის შესაბამისად, წარმოგიდგენთ ჩემს, როგორც საკრებულოს წევრის ანგარიშს, რომელიც მოიცავს პერიოდს 2017 წლის 20 ნოემბრიდან 2018 წლის 31 დეკემბრის ჩათვლით.

მოგახსენებთ, რომ 2017 წლის ადგილობრივი თვითმმართველობის არჩევნებში, პარტია „ქართული ოცნება - დემოკრატიული საქართველო“-ს პარტიული სიით გავხდი საკრებულოს წევრი.

საანგარიშო პერიოდში უფლებამოსილებას ვახორციელებდი საკრებულოს ორ მუდმივმოქმედ კომისიაში: სივრცით-ტერიტორიული დაგეგმარებისა და ინფრასტრუქტურის კომისიასა და იურიდიულ საკითხთა და ეთიკის კომისიაში; ასევე ვარ ფრაქცია „ქართული ოცნება - დემოკრატიული საქართველო“-ს თავმჯდომარის მოადგილე.

საანგარიშო პერიოდში მონაწილეობა მივიღე 23 საკრებულოს, როგორც რიგით ასევე რიგგარეშე სხდომაზე. დავესწარი სივრცით - ტერიტორიული დაგეგმარებისა და ინფრასტრუქტურის კომისიის 5 სხდომას, იურიდიულ საკითხთა და ეთიკის კომისიის 18 სხდომას. კომისიებში განხილულ იქნა ყველა ის საკითხი, რომელიც შემდგომ საკრებულოს ბიუროსა და საკრებულოს სხდომებზე გავიდა დასამტკიცებლად.

ასევე დავესწარი ფრაქცია „ქართული ოცნება-დემოკრატიული საქართველოს“ 12 სხდომას. ჩემს მიერ ფრაქციის სხდომებზე დასმული იქნა პრობლემატური საკითხები. კერძოდ:

- საფეხბურთო კლუბ „ლანჩხუთი გურიას“ ფინანსური დავალიანებების შესახებ უნდა დაიწყოს გამოძიება, საბოლოოდ გარკვეული უნდა იქნას ამ კლუბის ფინანსური დავალიანების შესახებ მდგომარეობა და ყველა ის ადამიანი უნდა მიეცეს პასუხისგებაში, რომელსაც აქვს სისხლისსამართლებრივი დანაშაული ჩადენილი.

- ყოველდღიურად ქალაქის ტერიტორიაზე, №1 საჯარო სკოლის მიმდებარედ გზაჯვარედინზე ხდება საქონლის გადარეკვა, რადგან არის ცენტრალური მაგისტრალი საჭიროა შესაბამისი საგზაო ნიშნის განთავსება, რაც ხელს შეუწყობს შემდგომში მოსალოდნელი საფრთხის თავიდან აცილებას.
- სამწუხაროდ ლანჩხუთის მუნიციპალიტეტში მომრავლდა დიალიზის საჭიროების მქონე პაციენტები, რის გამოც დადგა ბიკარბონატული ჰემოდიალიზის აპარატის შეძენისა და შესაბამისი ინფრასტრუქტურის მოწყობის საჭიროება.

გარდა ამისა, საანგარიშო პერიოდში ვხდებოდი ამომრჩევლებს, ვისმენდი მათ პრობლემებს, რომელიც ძირითადად ეხებოდა სოციალურ დახმარებებს და ინფრასტრუქტურულ საკითხებს. ქალაქის ადმინისტრაციული ერთეულის მოსახლეობასთან ერთად აქტიურად განვიხილავდით აზიურ ფაროსანასთან ბრძოლის საკითხებს, ამ კუთხით საანგარიშო პერიოდი საკმაოდ აქტიური იყო, შეწამვლითი სამუშაოები ჩატარდა ოთხ ეტაპად.

უნდა აღინიშნოს ის პროექტები და დახმარებები, რომელიც ქალაქის ადმინისტრაციულ ერთეულში განხორციელდა საქართველოს მთავრობისა და ლანჩხუთის მუნიციპალიტეტის მერიის მხარდაჭერით. კერძოდ ეს პროექტებია:

- ურუშაძის ქუჩაზე სანიაღვრე არხების მოწყობა;
- მშვიდობის ქუჩის სანიაღვრე არხის მოწყობა;
- ყაზბეგის ქუჩაზე სანიაღვრე არხების მოწყობა;
- ბაგრატიონის ქუჩაზე სანიაღვრე არხების მოწყობა;
- ურუშაძის ქუჩაზე გიორგი შარაბიძის სახლთან გაბიონის მოწყობა;
- კერხანოჩიევის საცხოვრებელ სახლთან გაბიონის მოწყობა;
- მოიხრეშა ლაშისდელის სასაფლაოსთან მისასვლელი გზა;

მნიშვნელოვანია აქვე აღინიშნოს ქალაქის ადმინისტრაციულ ერთეულში დაგეგმილ და მიმდინარე ინფრასტრუქტურული პროექტებზე, რომელიც უნდა განხორციელდეს 2019 წელს, კერძოდ:

- გაერთიანებული წყალმომარაგების კომპანიის მიერ მიმდინარეობს ქალაქის ტექნიკური წყლით მომარაგება;
- მშვიდობის ქუჩის სანიაღვრე არხების მოწყობა;
- ურუშაძის ქუჩაზე სანიაღვრე არხების მოწყობა;
- ბაგრატიონისა და ბარათაშვილის ქუჩის შესახვევებთან სანიაღვრეების მოწყობა;
- თავისუფლების ქუჩის პირველ შესახვევში სანიაღვრე არხის მოწყობა;
- წმ. ნინოს ქუჩაზე და წილოსნების უბანში სანიაღვრე არხების მოწყობა;

- ბაგრატიონის ქუჩაზე ლაშა დუდუჩავას სახლთან სანიაღვრე არხის მოწყობა;
- თავისუფლების ქუჩაზე იგეგმება ი.დუნდუას სახელობის ხელოვნურსაფარიანი მოედნის რეაბილიტაცია;
- თავისუფლების ქუჩაზე ასფალტის საფარის წერტილოვანი შეკეთება;
- იგეგმება მდინარე ლაშისდელის კალაპოტის გაწმენდა;
- ბარათაშვილის ქუჩის ბოლოში არხის მოწესრიგება;

მე, როგორც საკრებულოს წევრი გავაგრძელებ აქტიურ მუშაობას საკრებულოსთან, მუნიციპალიტეტის მერიასთან და ქალაქის ამომრჩევლებთან ერთად, რათა 2019 წელი უფრო წარმატებული გახდეს.

ასევე, მინდა მადლობა გადავუხადო საკრებულოს ყველა წევრს აქტიური თანამშრომლობისთვის და საკრებულოს აპარატს თანადგომისთვის.

კახა ბოლქვაძე

ფრაქციის თავმჯდომარის მოადგილე
ფრაქცია "ქართული ოცნება-დემოკრატიული საქართველო"